



FRidericus filius fuit Philippi Electoris, atq; ducissæ Bauariæ, ducis Ludouici filix, qui natus est anno Christi 1487. Hic cum fratribus honestè educatus, atq; optimis literis imbutus fuit. Cum autem Ludouicus senior frater parenti in electoratu successisset, ipse sese in bellis Italicis exercuit, atq; Maximiliano Cæsari gratissimus fuit. Postea cum Carolus anno 1519 Cæsar eligeretur, Fridericus dignus fuit habitus, ut honesto comitatu in Hispaniam ablegaretur, quò Carolo electionem significaret, eumq; hortaretur, ut delatum Imperium susciperet, & omni mora postposita in Germaniam perueniret. Eum Carolus humaniter excepit, atq;

in omnia executus, Fridericum honorifice à se donatum dimisit, eumq; deinde semper in optimorum amicorū numero habuit. Itaq; factum ut Dorotheam postea regis Daniæ Christierni filiam, ex Isabella Cæsaris sorore neptem, uxorem acceperit. Cum autem socer ob uitæ seueritatem regno pelleret, atq; Fridericus patruus succederet, noster Palatinus omnem operam adhibuit, ut in soceri locum admitteretur. Copijs quoq; conductis grauiâ bella cum Danis gessit, atq; ferro & igne earum ditionem uastauit. Verum cum nulla auxilia aliunde haberet, ipseq; Cæsar bello Gallico detineretur, re infecta discessit. In ijs tamen nuptijs Ottoheinricus ex fratre Ruperto nepos, qui proximum ius post Ludouicum patrum ad Electoratum habebat, suo iure cessit, atq; in huiusmodi casu Friderico ob rerum peritiam prærogatiuam attribuit, ea tamen lege, ut ipse ei succederet. id quod etiam factum est.